

Ander Kriegs- vnd Bußpredigt.

19

tödien wolle / Offenb. 2. 23. Sondern hat deswegen das Volk Israel mit vnbarmerziger Staupen geschlagen / vnd deren drehtausend erwürget / 2. Mos. 32. 27. Dergleichen ihnen begegnet / Richt. 3. 8. vnd 6. 1. vnd 10. 7. Daesa König in Israel wird wegen Abgötterey mit seinem Hauß vertilget / 1 König. 16. 13. Vmb Manasse Abgötterey willen ward das ganze Land verderbet / 1. König. 21. 11. Muß demnach ein grosse Mißthat vnd starcke Sünde seyn.

Zauberey ist ein grosse Mißthat vnd starcke Sünde. Dann was kan ^{2. Zauberey vnd Hegeren.} für ein größerer Grewel seyn / als daß ein Christenmensch / sey Manns / oder Weibsperson / der von Gott erschaffen / von Christo erlöset / vom heiligen Geiß durch das Wort vnd Sacramenta geheiligt vnd wiedergeboren / in der Tauff Christum angezogen / sol da Gott Vater / Sohn vnd heiligem Geiß ab- sagen / sich dem leidigen Teuffel mit Leib vnd Seel ergeben vnd verschweren / daß er in Ewigkeit an der Seligkeit kein theil haben wolle? O Grewel vber ^{Grewel der Welt} alle Grewel! Was schrecklicher / als daß ein solcher Mensch mit dem Teuffel Schand vnd Vnzucht treibet / durch sein Zauberey vnd Herenwerck so vielfaltigen Schaden seinem Nechsten an sein Leib vnd Leben / an seinem Vieh / Haab vnd Gütern / durch Wirkung vñ krafft des lebendigen Teuffels / zufüget? O Mißthat vber alle Mißthat! Was vnbilliger / als daß er zu solchem Zauberey vnd Teuffelswerck den hochheiligen Namen Gottes vielfaltig mißbraucher? O Sünd vber alle Sünde! Darumb haßet Gott diese Sünde so heftig / als den Teuffel selbst. Wil kumb kein Zauberey wissen oder dulden. Die Zauberey soltu nicht leben lassen / 2. Mos. 22. 18. Wo ein Mann oder Weib ein Warsager oder Zeichendeuter seyn wird / die sollen des Tods sterben / man sol sie steinigen / ihr Blut sey vber ihnen / 3. Mos. 20. 27. Wo ein Warsager / Zauberey / Beschwerer / oder Zeichendeuter / oder der die Todten fraget / funden wird / der ist dem H e r r ein Grewel / vnd vmb solcher Grewel willen vertreibet der H e r r dein G D u die Böcker des Lands für dir her / 5. Mos. 18. 10. seq. Wo sie nun verbleiben / vnd ihr Zauberey in vollem schwang gehet / da schicket Gott der H e r r Kriegeläuffte hin / vnd können sie dann nichts helfen / Esa. 47. 12. Eben so wenig / als Bileam die Ysraeliten verfluchen können / 4. Mos. 23. Muß demnach diß ein gross Mißthat vnd starcke Sünde seyn.

Fluchen vnd Gottlestern ist eine grosse Mißthat vnd starcke Sünde. ^{3. Fluchen vnd Gottlestern.} Dann es ist nichts herrlicher / heiliger / würdiger / vnd allen Creaturen erschrecklicher / als der Name Gottes! Es ist nichts heilsamer / nützlicher vnd seliger / als Christi Leiden / Marter / Wunden / Blut / Tauff / Sacrament. ic. Was kan dann schrecklicher seyn / als wann ein Mensch so feueß / daß er diesen allerbeyligsten Namen Gottes / diß aller heilsamst Leiden / Marter /

E ij

Wun-

zu Blatt

028

026

032

022

037

017

077

Ende

Anfang